



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Vera Concilii Tridentini Historia**

Contra falsam Petri Suavis Polani narrationem

**Pallavicino, Sforza**

**Antverpiae, 1670**

Capvt XVII. Moronus ad Spirensem Conuentum Nuntius mittitur. Quaenam illi mandata. Statuitur celebrandum Tridenti Concilium, atque indicitur.

**urn:nbn:de:hbz:466:1-11642**

simul etiam esse tales, ut dummodò vellent, vis certè illis non de-  
sset eò se conferendi, quò se conferunt ægroti, qui reuerà ab hoc  
Medico curationem exposcent. Nihil aliud futurum Concilium,  
quam consilium, in quod Medicorum plurimi confluentes, quales  
erant Præsules, vim suffragij obtinentes, vel Theologiæ Canonum-  
que periti Confiliarij, inspecturi ac exploraturi fuissent ægrotum,  
ac de morbo ad alios relaturi, quibus illarum ægritudinum notitia  
suppetit, nimis etiam remotoribus innotescunt: sed adiecit,  
Mox adfuturum Moronum Nuntium, ac certiora de his responsa  
rediturum: quò simul suæ responsionis austoritatem temperaret,  
cùm per modum dissertationis, non extremæ repulsæ, rem ageret;  
simul temerarij notæ, & aduersantis inuidiæ se subduceret, vbi  
Pontifex per alium gratiora indulgeret.

## C A P V T XVII.

*Moronus ad Spirensen Conuentum Nuntius mittitur. Quæ-*  
*nam illi mandata. Statuitur celebrandum Tridenti*  
*Concilium, atque indicitur.*

**M**aturauit ad eam Provinciam proficiisci Moronus, acceptis  
à Pontifice \* mandatis de Germania rebus, siue cum Cæsa-  
re Lucæ transactis, siue postmodum expolitis à Nugarolo,  
Ferdinandi apud Pontificem Oratore. Spectabant igitur ea potissi-  
mè reformanda discipline negotium. Ad id traditum ipfi fuerat  
eorum legum exemplar, quas Ratisponæ Legatus digesserat, adie-  
ctumque, Haud illi ob angustias temporis, quo ibi moratus est, li-  
cuisse rem perficere: proinde eas Nuntius promaueret apud Ger-  
mania Præsules; sed ita, ut videretur potius adiutorem se illorum  
Ecclesiasticorum Principum exhibere, quam exactorem ab eorum  
dem socordia debita disciplina. Erat enim Pontifex probè gna-  
tus, à nobilioribus plantis fructus vix primis digitis quasi sponte  
porrectos esse legendos, & solum à filiis tribus perticâ decutiendos,  
quasi violenter exactos.

<sup>1</sup> Addebat Paulus: Cùm sit naturæ terreæ semper ad ima delabi,  
oporeatque identidem eam releuare; suæ mentis esse, ut in Italia  
pariter ceterisque Christianorum regionibus emendatio morum  
prescriberetur; secùs intolerabilem eam futuram Germania Cle-  
to, seu tamquam onus peculiare subituro, seu depravatione pecu-  
liari notando.

Aliud

\* Habuit  
mandata  
9. Ianuarij  
1542. &  
extat in Ar-  
chivio Vati-  
cano.

1542.

\* In Com-  
mentariis  
Borghesio-  
rum.

\* In citatis  
Commen-  
tariorum.

\* Belcarius  
lib. 2. 3. n. 4.

\* Belcarius  
suprà citat.

Aliud mandatorum caput agebat de novo fœdere, Ratisponz de creto, in cuius societatem Pontifex vocabatur. Responderet in primis, Inesse in eo libello Ratisponensi voces quasdam Pontifici dignitati aduersantes; adeoque minimè decere Pontificem eas probare. Huiusmodi voces, quantum coniicio ex documentis, que Ferdinandus Rex postea tradidit suis Oratoribus, ad fœdus illud perficiendum Romam missis, erant in Edicto Ratisponensi, per qua nonnulla præscribebantur ad Pontificis curam potestatemque sp̄tantia: sed his prospectum fuit per literas à Carolo & Ferdinando ad Paulum III. datas, quibus testificabantur, \* per tenorem illius decreti nihil intellectum, quod supremam Pontificis Romani dignitatem illa ex parte violaret.

Præterea, æquum non esse, à solo Pontifice tantum pecunie fœderi conferri, ut volebant, quantum Cæsari ac Ferdinando soluendum imposuerant, qui ditiones ærariumque omni comparatione maior quam ipse possidebant, atque per illud fœdus sua tuebantur: at vero Pontificem eō coire tantummodo tamquam Caput Ecclesie. Proinde offerre se non quartam totius pecuniae portionem, prout ipsi postulabant, sed sextam, hoc est tertia parte minorem præscripta.

Porrò de suppetiis contra Turcam Germaniæ tribuendis responderet: Non posse Pontificem ultra progredi, quam Granellano significauerat, nimirum, \* stipendia soluturum quinque milium millibus, si Cæsar copias duceret; sin vero alius quicunque, binis millibus & quingentis, dummodò classis Turcica seu superam seu inferam Italiam oram haud infestaret, ad quam propulsandam essent cogenda Pontifici vites omnes. Atque in eo Paulus quā spondebat reipsa superauit. \* Etenim, tametsi copiarum ductor haud Cæsar fuisset, sed Septemuir Brandenburgicus; eō tamen tria peditum milia duce Paulo Vitellio misit, & postea sexcentos equites, ductore Sforzia Pallavicino.

Cum autem ad hoc ipsum Ferdinandus Paulum rogasset, ut et lenitas Lutheranis adhiberetur, quā illecli opem expeditioni suppeditarent, responsum est, Mirari Pontificem, & vix libi posse in annum inducere, siue Catholicos siue hæreticos illiciis indigere utili communi consulerent: nihilominus placere sibi, erga Lutheranos voluntatem non hostilem, sed amicam proferri, modò præstaretur integra potestas custodiendi à Christo sibi tradita, neque legum relaxationes indulgerentur instantे Concilio, cuius erat cai-

De Concilio hæc in mandatis data. Duas rationes maxime Geti-  
manni



1542.

manis accommodatas ut illud extra Germaniam haberi vellent, Nuntio suggestit Pontifex: Prima fuit, Habere in animo, se inter futurum Concilio, vel certè velle, vt vbi vsui esset interesse posset: in præsentia vero ætati suæ tam deuexæ, ac virium habitudini tam imbecillæ, intolerabile futurum vel iter, vel cælum Germanicum. Et quò hæc ratio vim haberet, neque de Cameraco, neque de vllis aliis vrbibus ab Italia remotis, et si extra Germaniam existentibus, mentionem fecit; à quibus ex se non abhorrebat, vt à nobis commoratum est in Ardinghelli congressibus cum Rege Gallorum.

Secunda fuit, Cùm in ea Provincia mutuis disfidiis arderent animi, rem periculo proximam fore, si controuersiarum momenta ibidem expenderentur, & quasi follis admoueretur igni; adeoque facilem futurum transitum à linguarum ad gladiorum certamen. Cordi esse Pontifici, vt quantum fieri posset, commodo Nationis illius prospiceretur; proinde primo sibi loco probari Mantuam, alijs acceptam Cæsari, quod Germaniaæ situ & clientelâ coniuncta esset. Præter illam, si forte Mantuanii Duxes tutores illius concedendæ auctoritate vt nollent, proponi secundo loco Ferrariam, quæ amplitudine loci, soli fertilitate, magnique fluminis propinquitate maxime opportuna videbatur ex cunctis vrbibus inter Alpes & Appenninum positis. Verum cùm ea vrbis sua ditionis non esset, nec prius ab Hercule illius Domino ipsam ad id petere voluisset, quām sciret gratam fore Germanis, non aliter sibi licere illam offerre, nisi positâ concessuri Principis conditione. Ex suis proferre Placentiam ac Bonioniam, alio tempore propositas.

7. Cum his mandatis ad Spirensem Conuentum peruenit Moronus, inuenit Februario inchoatum, & 14. die mensis eiusdem \* ibi verba fecit Gallorum Regis Orator Franciscus Oliarius, Alenconianus Cancellarius. Exposuit sui Principis animum in Germanos, benevolum semper rebus ipsis comprobatum, atque antiquioribus omis- sis, ad id confirmandum asseruit postremò, increbescente famâ Solimanum meditari bellum in Pannoniam, missos à suo Rege Nuntios, qui Turcam ab eo consilio dimouerent; sed eosdem captos a Cæsarianis, ac fortassis etiam trucidatos: falsò postea vulgatum, destinatos à Rege, vt his contraria molirentur; id tamen à suo Principe posse redargui variis libellis, eodemque rerum gerendarum commentatio, à Cæsareis vnâ cum captis Nuntiis intercepto. Praeum sibi videri consilium, Turcam id temporis suscitare spectatâ eius potentia, rebus à Christianis gentibus infeliciter in illum gestis, & contentionibus, quibus in præsentia dissidebant. Nec Pan-

Pars I.

G g nonum

\* Sleidanus  
ann. 1542.  
Belcarius  
lib. 23. n. 8.  
& 9. & tam  
Oraio Gal-  
li Oratoris,  
quām cuncta  
gefta huius  
Conuentus,  
extant in  
volumine  
Archivij  
Vaticani.

1542.

nonum inconstantiam, qui sèpè Germanos in Turcas, nec rati  
Turcas in Germanos solicitassent, mereri, vt ipsorum gratia pertur-  
baretur, ac discrimen subiret vniuersa Germania à nemine lacerata.  
Satius videtur, impendi operam ciuilibus discordiis componenda,  
& opportuniora tempora ad inferenda exterris arma prætolari.

Oliuarij concio fauentibus auribus haud excepta, cùm ob-  
ectoris suspicionem, tum ob manifestam consilij indignitatem, cùm  
grauius ignominia Germanici nominis videretur, Turcis diripi-  
dum deferere Christianorum Regnum Germaniae finitimum, ac  
legitimo iure possessum ab uno suorum Principum, electo iam im-  
perijs successore. Vnde Orator Gallus ante Conuentus exitum  
decessit.

\* Belcarius  
& Sledanus  
iam cit.

At Nuntius in Conuençum admissus 23. Martij \* gratius perorauit. Placuit quippe Germanis subfidiū contra Turcas oblatum: vbi verò de Concilio sermonem habuit, causas protulit, quæ Pon-  
ficem à Germanicis vrbibus auertebant; verum in aliqua alibi eli-  
genda, necesse fuit illas quatuor in mandatis, vt notauiimus, à Paulo  
prescriptas præterire. Per priuata enim colloquia compererat, tuis  
vrbes, seu beneficiario, seu pleno iure subiectas Pontifici, Conuen-  
tui suspectas haberet; & Mantuam illis frustrâ proponi, ratis Tu-  
res Ducis, id quod parens eius negauerat, haud concessuros: præ-  
terquam quòd auctoritas Mantuani Purpurati, addicti rebus Pon-  
tificis, vt alias obiectum fuerat, eò tunc maioris ponderis censebatur,  
quòd illam ampliorem reddebat minor imperantis artas ex fratre  
nepotis. Quamobrem impetravit à Pontifice Moronus \* faculta-  
tem duas præterea proponendi, alteram Cameracum, de quâ aliquid  
infinuauimus, & in ea Pontifex erat pronior, vt pote seminotum  
à Germania, ceteris Nationibus haud suspectam, adeoque apto-  
rem continuationi Concilij, etiam bello inter eas excitato, & à u-  
more Martis Othomannici remotiorem. Hæc tamen Pauli propo-  
sicio dissimulanda ipsi erat, quòd narratam à nobis causam sufficeret,  
cur Germanicas vrbes excluderet: & insuper Cameracensis  
ciuitas neque prorsus commoda Germanis videbatur, neque cui  
plenè considerent. Altera Tridentum erat, cui nihil ferè deerat vt  
esset Germanica, nisi nomen, atque in eam exploratum erat Nuntio  
consensuros Germanos. Proinde connumeratis priuis in Con-  
uentu quatuor vrbibus, quas Pontifex oportunas existimatbat, ac  
præterea Cameraco, postremò Tridentum obtulit celebrando  
Concilio, in Alpibus situm prope Athesim, vrbem Germanicæ con-  
terminam, & Ferdinando beneficiariam.

Respon-

\* Literæ  
Farneſij ad  
Poggium,  
Nuntium a-  
pud Cœla-  
zem, 27.  
Maij 1542.



Responsum à Conuentu, Vbi non liceret sibi in Germania Concilium obtainere, placere ut haberetur Tridenti. At Lutherani seorsim per suas contestationes reclamarunt tam Concilij loco in Italia, quam auctoritati Pontificie illi præfuturæ. Decretum Romæ, vñ dies 13. Augulti Concilio destinaretur; sed, postea cum nimis angustum temporis interuumallum visum esset, post habitam \* per tres Senatus de hac re ac de tenore diplomatis deliberationem, tandem 22. Maij statutum diploma atque signatum, promulgatum verò solenni Principis Apostolorum die, cuius supremum Principatum Lutherani oppugnabant; indictumque Concilium Sanctorum omnium sacro die inchoandum, quorum pariter Festo die, & in quorum templo ante vigesimum quartum annum primò Lutheri hæresis eruperat, cui extingendæ sacer ille Cœtus indicebat.

1542.

\* Die 5.12.  
& 22. Maij  
vt in Actis  
Concilio.



Ggg 2 HISTO-

rīe  
Tric.